



Dinas a Sir Abertawe

Cofnodion Cyfarfod yr **Is-bwyllgor Trwyddedu Statudol**

Cyfarfod Aml-leoliad - Siambr y Cyngor, Neuadd y Ddinas /
MS Teams

Dydd Llun, 31 Hydref 2022 am 10.00am

Yn bresennol: Y Cyngorydd P M Matthews (Cadeirydd) fu'n llywyddu

Y Cynghorwyr
V A Holland

Y Cynghorwyr
P Lloyd

Swyddogion

Charles Gabe
Aled Gruffydd
Rachel Loosemore
Samantha Woon

Swyddog Trwyddedu
Cyfreithiwr Cyswllt
Arweinydd Gweithredol - Trwyddedu
Swyddog y Gwasanaethau Democrataidd

Hefyd yn bresennol

Mr Kanapathi
Mr Tamilkumar

Cynrychiolydd yr Ymgeisydd
Ymgeisydd

Ymddiheuriadau am absenoldeb

Y Cynghorwyr: Dim.

26 Datgeliadau o fuddiannau personol a rhagfarnol

Yn unol â'r Côd Ymddygiad a fabwysiadwyd gan Ddinas a Sir Abertawe, ni ddatganwyd unrhyw fuddiannau.

27 Gweithdrefn Is-bwyllgorau Trwyddedu Statudol (er gwybodaeth)

Cyflwynodd y cyfreithiwr a oedd yn cynghori'r Pwyllgor y Weithdrefn Is-bwyllgor Trwyddedu Statudol, er gwybodaeth.

28 Deddf Trwyddedu 2003 - Adran 34 - Amrywiad i Drwydded Mangre - Lifestyle Express, 187 Middle Road, Gendros, Abertawe SA5 8EZ

Roedd y Cadeirydd yn ceisio cymeradwyaeth i ohirio'r cyfarfod er mwyn i Nicky, person arall, gael ddod i'r cyfarfod.

Gohiriwyd y cyfarfod am 10.05am

Ailgynullwyd am 10.15am

Croesawodd y Cadeirydd yr holl fynychwyr i'r cyfarfod a dywedodd fod Nicky, person arall, wedi nodi ei fod yn anhwylyd ac ni fyddai'n dod i'r cyfarfod.

Adroddodd y Swyddog Trwyddedu ar y cais am Amrywiad i Drwydded Mangre mewn perthynas â Lifestyle Express, 187 Middle Road, Gendros, Abertawe SA5 8EZ.

Cyfeiriodd at yr Amcanion Trwyddedu, yr ystyriaethau polisi a'r arweiniad gan y Swyddfa Gartref. Cyfeiriwyd yn benodol at gais am drwydded mangre yn Atodiad A (a oedd yn cynnwys amodau addasedig y gellir eu gweld yn adran M y ffurflen gais), copi o'r drwydded mangre bresennol yn Atodiad A1, cynllun lleoliad y fangre yn Atodiad B, yr amodau sy'n gyson â'r amserlen weithredu yn Atodiad C, sylwadau a wnaethpwyd gan bobl eraill yn Atodiad D1 i D2.

Derbyniwyd 2 sylw gan bobl eraill. Atodwyd copi o'u sylwadau yn Atodiad D1 a D2. Roedd y sylwadau'n ymwneud ag atal troseddu ac anhrefn, diogelwch y cyhoedd ac amddiffyn plant rhag niwed.

Yn absenoldeb y ddau berson arall (Nicky a Rosaria), darllenodd y Swyddog Trwyddedu'r sylwadau ysgrifenedig a oedd yn gwrthwynebu'r cais ac yn amlygu pryderon mewn perthynas â thanseilio'r Amcanion Trwyddedu Statudol mewn perthynas ag atal troseddu ac anrhefn, diogelwch y cyhoedd ac amddiffyn plant rhag niwed.

Mewn ymateb i gwestiwn gan aelod, nododd y Swyddog Trwyddedu yr ymchwiliwyd i'r cyfeiriad bod y fangre'n gwerthu alcohol a chynnyrch eraill (nicotin) i blant dan oed. Derbyniwyd un gŵyn ddiennw nad oedd yn ymwneud â gwerthu alcohol i blant dan oed. Ni chyflwynwyd unrhyw dystiolaeth ac nid oedd Swyddogion yn gallu ymchwilio i'r gŵyn ymhellach gan ei bod yn ddiennw. Roedd y gŵyn yn ymwneud â'r deiliad trwydded blaenorol.

Siaradodd Mr Tamilkumar, Ymgeisydd, o blaid y cais a manylodd ar natur y fangre fel siop gyfleustra sy'n gweithredu drwy'r dydd a chyda'r hwyr.

Dywedodd Mr Kanapathi, Cynrychiolydd yr Ymgeisydd, y bydd yr ymgeisydd yn dod yn oruchwyliwr mangre dynodedig (GMD) yr wythnos hon ac mae bellach yn meddu ar drwydded bersonol.

Cyfeiriwyd at y ffaith bod diffyg sylwadau gan yr Awdurdodau Cyfrifol. Gan ystyried bod y fangre mewn ardal hynod boblog, derbyniwyd 2 sylw yn unig. Roedd y materion a godwyd gan y bobl eraill yn ymwneud â'r deiliad trwydded blaenorol.

Nodwyd bod gan yr Ymgeisydd brofiad o hyrwyddo'r Amcanion Trwyddedu a'i fod yn byw'n lleol.

Roedd yr oriau gweithredu y gwnaed cais amdanynt yn adlewyrchu natur y fangre fel siop gyfleustra a noddodd yr aelodau fod cwsmeriaid yn mynd i'r siop ar bob adeg o'r dydd.

Roedd yr amodau diwygiedig yn cryfhau ymhellach yr amod trwyddedu mewn perthynas ag amddiffyn plant rhag niwed.

Anogwyd y Pwyllgor i gymeradwyo'r cais.

Mewn ymateb i gwestiwn gan aelod, nododd yr ymgeisydd os yw cwsmer meddw yn dod i'r siop, byddai gwerthiant yn cael ei wrthod.

Penderfynwyd eithrio'r wasg a'r cyhoedd o'r gwrandawriad yn unol â pharagraff 14 o Reoliadau Deddf Trwyddedu (Gwrandawriadau) 2005, fel y gall yr Is-bwyllgor gael cyngor cyfreithiol.

(Sesiwn Gaeëdig)

Trafododd yr Aelodau'r materion ynghylch y cais.

(Sesiwn Agored)

Rhoddodd y cyfreithiwr a oedd yn cynghori'r Is-bwyllgor Trwyddedu drosolwg cynhwysfawr o'r cyngor cyfreithiol a roddwyd.

Dywedodd y Cadeirydd fod yr Is-bwyllgor wedi ystyried y cais a'r sylwadau a wnaed ynghyd â holl anghenion a buddion yr holl bartion o ran Datganiad Polisi Trwyddedu'r cyngor, arweiniad statudol a gofynion Deddf Trwyddedu 2003

Yn dilyn penderfyniad yr Is-bwyllgor, **pendderfynwyd cymeradwyo'r** cais yn amodol ar amodau sy'n gyson â'r amserlen weithredu a fanylir:

1. Caiff system CCTV ei gosod yn y fangre, y bydd modd recordio ac adalw fideos arni am 31 diwrnod a'u lawrlwytho ar ddyfais storio symudol megis DVD neu gof bach.
2. Bydd y camerâu CCTV yn ffilmio mynedfa'r eiddo, gan gynnwys ardal y til lle mae pobl yn talu am alcohol a'r holl ardaloedd y mae gan aelodau'r cyhoedd fynediad iddynt, gan gynnwys y fynedfa a'r allanfa. Bydd y monitor sy'n caniatáu i fideos wedi'u recordio gael eu chwarae a'u hadalw yn cael ei leoli mewn ardal sy'n hygyrch yn hawdd ac yn ddiogel i Swyddogion yr Heddlu a Swyddogion yr Awdurdod Lleol.
3. Bydd o leiaf un aelod o staff presennol yn cael hyfforddiant i ddefnyddio'r system i sicrhau y gellir adalw a lawrlwytho data yn hawdd os yw'n ofynnol gan Swyddog yr Heddlu neu Swyddog Gorfodi Trwyddedu y cyngor. Bydd unrhyw fideo y gofynnir amdano ar gael o fewn 24 awr ar bob achlysur.

4. Bydd deiliad y drwydded mangre'n mabwysiadu cynllun dilysu oedran sy'n cynnwys 'Her 25'. Bydd rhaid i'r unig ddulliau adnabod derbynol gynnwys llun, dyddiad geni a marc holograffig.
5. Bydd staff newydd yn cael hyfforddiant sefydlu ar ddechrau eu cyflogaeth yn y fangre, gan gynnwys hyfforddiant ar sut i ymdrin â digwyddiadau o droseddu ac anrhefn a'u hatal, hyfforddiant ar werthiannau dan oed, a hyfforddiant ar werthu alcohol a gwerthiannau procsi cyn iddynt allu werthu alcohol. Caiff yr hyfforddiant hwn ei recordio.
6. Bydd yr holl staff sy'n gwerthu/dosbarthu alcohol yn derbyn hyfforddiant mewn gwerthiannau dan oed, gwerthu alcohol i bobl a sut i ddelio ag ymddygiad camdriniol ac ymosodol - caiff yr hyfforddiant ei recordio a'i gadw am o leiaf blwyddyn.
7. Cynhelir hyfforddiant gloywi i staff bob 6-12 mis a bydd yn cael ei recordio.
8. Bydd y GMD yn sicrhau bod cofnod llythyr o awdurdod ysgrifenedig cyfredol ar gyfer yr holl staff sy'n gweithio yn y fangre sy'n gwerthu alcohol.
9. Caiff cofrestr ddigwyddiadau ei chynnal a'i chadw ar y safle ar bob adeg er mwyn cofnodi'r holl ddigwyddiadau sy'n cynnwys ymddygiad gwrthgymdeithasol, niwed a throi cwsmeriaid allan o'r fangre. Bydd y gofrestr yn cynnwys tudalennau sydd wedi'u rhifo'n olynol mewn fformat wedi ei rwymo, ac yn cynnwys amser, dyddiad a lleoliad y digwyddiad a manylion a natur y digwyddiad ac enwau unrhyw staff eraill a oedd yn rhan o'r digwyddiad neu yr adroddwyd am y digwyddiad iddynt. Dylai'r gofrestr fod ar gael i'w harchwilio gan Heddlu de Swydd Efrog
10. Caiff cofrestr wrthod ei chynnal a'i chadw ar y safle ar bob adeg er mwyn cadw cofnod o'r holl ddigwyddiadau sy'n ymwneud â gwrthod gwerthu alcohol yn y fangre. Bydd y gofrestr yn cynnwys tudalennau wedi'u rhifo'n olynol mewn fformat wedi ei rwymo ac yn cynnwys amser, dyddiad a lleoliad y gwrthodiad, enw'r aelod o staff sy'n herio'r gwerthiant a'r dull adnabod a wiriwyd. Bydd y gofrestr ar gael i'w harchwilio gan Heddlu De Cymru neu Swyddogion Gorfodi'r Awdurdod lleol ar unwaith ar gais.

Rheswm dros y penderfyniad

Ni chanfu'r Pwyllgor unrhyw dystiolaeth i gefnogi gwrthod y cais.

Nid oedd yr honiadau a godwyd yn y sylwadau ynghylch gwerthiannau dan oed wedi'u cefnogi gan Safonau Masnach, ac hefyd roedd yr honiadau'n ymwneud â'r deiliad trwydded blaenorol, nid yr ymgeisydd presennol.

Yn olaf, cadarnhaodd y Pwyllgor fod gan y preswylwyr y cyfle i wneud cais am adolygiad trwydded os oes pryderon yn codi mewn perthynas â'r gweithgareddau trwyddedadwy yn y fangre.

Cofnodion cyfarfod y Is-bwyllgor trwyddedu statudol (Dydd Llun, 31 Hydref 2022)
Parhad

Daeth y cyfarfod i ben am 10.50am

Cadeirydd